

Baibulo ya ana
Ikupasilani



Mfumu Davide
(Gawo 1)



Yolembedwa ndi: Edward Hughes

Yojambulidwa ndi: Lazarus
Alastair Paterson

Yotengedwa ndi: Ruth Klassen

Yotathauzidwa ndi: Tapiwa Maraira


Yo pangidwa ndi: Bible for Children
www.M1914.org

©2022 Bible for Children, Inc.


Chilolezo: Muli ndi ufulu wotenga ndi kuchurukitsa
makopewa koma osagulitsa.



Davide wachichepere anali kuthaŵa. Mfumu Saulo ankafuna kumupha. Davide anakhala m'cipululu, m'phanga lalikulu, ndi anthu mazana anai.



Nthawi zina asilikali a Mfumu Saulo anatsala pang'ono kuwapeza. Koma Davide anapitirizabe kuyenda.



Doegi, mtumiki wa Saulo, anauza mfumu kuti ansembe athandiza Davide kuthawa. Saulo analamula kuti aphedwe. Koma ndi Doegi yekha amene analolera kutero! Iye anapha mwankhanza ansembe makumi asanu ndi atatu mphambu asanu ndi mabanja awo ndi lupanga lake. Zinali zoipa kwambiri.



Tsiku lina Saulo
ankasaka Davide
ndipo analowa
m'phanga limene
Davide ndi asilikali
ake anabisala.
Saulo anali yekha!




M'phanga, Davide akanapha Saulo mosavuta. M'malo mwake, anakwawira pafupi ndi kudula chigamba cha chovala cha Saulo ndi lupanga lake lakuthwa.



Saulo atachoka, Davide anamuitana. "Pomwe ndinadula ngodya ya mwinjiro wako, osakupha iwe, dziwa, nuwone kuti m'dzanja langa mulibe choipa kapena kupanduka."



Saulo anamva chisoni chifukwa chofuna kuvulaza Davide. Koma posakhalitsa, mkwiyo wake wokalamba unabwerera ndipo anasonkhanitsa gulu lankhondo la amuna zikwi zitatu kuti aphe Davide. Tsiku lina usiku, asilikali ali m'tulo, Davide ndi Abisai, mmodzi wa asilikali ake, anazemba m'misasa ya mfumu kumene Saulo anagona.





"Lero Yehova wapereka mdani wako m'dzanja lako," anatero Abisai. "Chonde ndiloleni ine ndim'menye iye pomwepo ndi mkondo, mpaka pansi."





Davide anakana. Iye anatenga mkondo ndi mtsuko wa Saulo, n'kutuluka m'misasa. Ali pa phiri la kutsidya lina, Davide anafuula mpaka Saulo anamumva. Apanso Saulo anaona kuti Davide akanatha kumupha, koma sanatero. Apanso Saulo anamva chisoni chifukwa chofuna kuvulaza Davide. Koma Davide anadziwa kuti sangakhulupirire mawu a Saulo.






Pa nthawiyi Samueli anali
atamwalira. Iye anali
mneneri amene Mulungu
anamuuza kuti adzozze Saulo
choyamba, kenako Davide
kukhala mfumu ya Isiraeli.
Pamene Afilisti anaukira
Aisiraeli, Saulo anachita
zinthu zoipa kwambiri,
zimene Mulungu amaletsa.



Iye analamula mkazi wina kuti aitane Samueli kwa akufa. Usiku umenewo, Saulo analandira uthenga.



"... Yehova wakuchokera, nakhala mdani wako ... Yehova wang'amba ufumu wako m'dzanja lako, naupereka kwa mnansi wako, ndiye Davide. Mawa iwe ndi ana ako mudzakhala ndi ine adzaperekanso gulu lankhondo la Isiraeli m'manja mwa Afilisiti." Saulo atamva zimenezi anagwa pansi ndi mantha.



Afilisti anamenyana ndi Aisraeli,
ndipo amuna a Israeli anathawa.
Afilisti anapha ana
aamuna a Saulo,
kuphatikizapo
Yonatani, bwenzi
lapamtima
la Davide.



Saulo anavulazidwa
koopsa ndi oponya mivi.
Ndipo anati kwa
wonyamula zida zace,
Solola lupanga lako,
nundipyoze nalo, angadze
oipa awa, nadzandipyoza,
ndi kundichitira nkhanza.
Koma wonyamula zida
zake sanakana, pakuti
anachita mantha
kwambiri. Choncho
Saulo anatenga lupanga
n'kugwera pa ilo.





Atapeza mitembo ya Saulo ndi ana ake aamuna, Afilistiwo anapachika mitemboyo pakhoma la mzinda wa Isiraeli womwe unalandidwa. Aisiraeli ena olimba mtima anapulumsa mitemboyo, n'kupita nayo kwawo n'kuitentha asanaikidwe m'manda mu Isiraeli.





Davide atamva zoipazo,
analira, nalira, nasala
kudya kufikira madzulo
chifukwa cha Saulo, ndi
Jonatani mwana wake,
ndi chifukwa cha anthu
a Yehova, popeza
adagwa ndi lupanga.



Ngakhale kuti Saulo anafuna kupha Davide, Davide analemekeza Saulo monga wodzozedwa wa Mulungu mpaka mapeto. Tsopano Mulungu analemekeza Davide, ndipo anamuika kukhala mfumu m'malo mwa Saulo.



Mfumu Davide (Gawo 1)

Nthano yochokera mu mau a Mulungu,
Baibulo,

opezeka mu

1 Samueli 24-31; 2 Samueli 1-2

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhulukileni machimo anu, azakukhulukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mmoyo mwanga ndikundi khulukukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

